



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

CXIX. Alternativa inter Minorres de Observ. Indiarum Occidentalium.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Primum
Decretum
Congregat.
Concilii.

Romanæ Ecclesiæ Cardinalium Concilii Tridentini Interpretum remissis, propositoque in ea dubio, an eorum professiones censendæ essent invalidæ, vel potius validæ? emanavit ab eadem Congregatione Decretum tenoris qui sequitur, videlicet - Die 19. Septembris 1682. Sacra Congregatio Eminentissimorum S. R. E. Cardinalium Concilii Tridentini Interpretum utraque parte informante, censuit professiones, & esse validas, & Religiosos Novissimos vocandos esse Brigittanos ad formam Constitutionis, seu Brevis sa. mem. Urb. VIII. F. Cardinalis Columna Præfectus - Loco + Sigilli A. Alrovitus Sac. Congregationis Concilii Secretarius - Porro reclamantibus adversus hoc Decretum supradictis Brigittanis Prioribus nuncupatis, ipsa Congregatio Cardinalium Concilii Tridentini Interpretum, re ad trutinam revocata, alterum edidit Decretum tenoris sequentis, videlicet - Professiones Brigittanorum, qui Novissimi nuncupantur fuisse, & esse validas, ipsosque Religiosos Novissimos vocandos esse Brigittanos ad formam Constitutionis, seu Brevis sa. mem. Urbani VIII. incipientis. Exponi Nobis nuper fecerunt sub Datum die 9. Octobris 1643. Pontificatus sui anno 21. - decrevit hæc Sacra Congregatio sub die 19. Septembris proximi præteriti. Cum autem adversus hujusmodi Decretum reclamaverint cæteri Brigittani Priores nuncupari, Sanctissimus Dominus Noster mandaverit illud ad trutinam revocari, non gravabuntur Eminentissimi Patres solium, & informationes tunc datas, & nunc dandas perpendere, an sit standum, vel recedendum a decisio? Die 8. Maji 1683. Sac. Congregatio Eminentissimorum S. R. E. Cardinalium Concilii Tridentini Interpretum utraque parte ore, & scriptis informante, stetit in decisio, & facta de præmissis Sanctissimo Domino Nostro relatione, Sanctitas sua ejusdem Sacre Congregationis sententiam benigne probavit - F. Cardinalis Columna Præfectus Loco + Sigilli. A. Alrovitus Sac. Congregationis Concilii Secretarius. Quare præfati Brigittani Novissimi nuncupati Nobis humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignemur.

Alterum
Decretum.

¶ 2. Nos igitur ipsos Brigittanos Novissimos specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, præinserta duo Decreta a prædicta Congregatione Cardinalium Concilii Tridentini Interpretum edita, ut præsertim, auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, salva tamen semper in præmissis auctoritate ejusdem Sacre Congregationis Cardinalium.

Hicce Decretis standum esse decernitur ab eadem Congregatione.

Preces Brigittanorum Novissimorum.

¶ 3. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sorti, & obtinere, ac illis ad quos spectat, & pro tempore spectabit plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam causarum palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Confirmatio reatorum duorum Decretorum.

¶ 4. Non obstantibus præmissis, ac Constitutionibus, & Ordinationibus Apostolicis, nec non supradicti Ordinis, aliisque quibusvis etiam juramento; Confirmatione Apostolica, vel quavis firmitate alia roboratis, Statutis, & consue-

Clausulæ.

tudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

¶ 5. Volumus autem, ut earum præsentium Literarum transumptis, seu exemplis etiam impressis manu alicujus Notarii publici subscriptis, & sigillo personæ, in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus si forent exhibitæ, vel ostensa.

Datum Romæ apud S. Petrum sub Annulo Piscatoris die XVI. Junii MDCLXXXIII. Pontificatus nostri Anno Septimo.

Confirmatur Decretum Congregationis Episcoporum, & Regularium approbans alternativam inter Hispanos, & Criollos Ordinis Minorum S. Francisci de Observantia in Indiis Occidentalibus.

CXIX.

De hac alternativa vide Const. ed. 1677., Junii 26. Pont. I. Et Const. ed. 1683. Octob. 4. Pont. VIII.

INNOCENTIUS PAPA XI.

Ad futuram rei memoriam.

EXponi Nobis nuper fecit dilectus filius Petrus Marinus Sormannus Minister Generalis Ordinis Fratrum Minorum Sancti Francisci de Observantia nuncupatorum, quod cum causa Alternativæ inter Fratres nativos Hispanos Provinciarum Limanæ, & delas Charcas in Indiis Occidentalibus dicti Ordinis ex una, & Fratres Criollos nuncupatos earundem Provinciarum ex altera partibus jamdudum versante a Congregatione Venerabilium Fratrum nostrorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præposita acerrime discussa fuisset, emanavit desuper ab eadem Congregatione Cardinalium Decretum tenoris, qui sequitur videlicet. In causa Peruana Alternativæ vertente inter Patres nativos Hispanos professos Provinciarum Sancto- rum duodecim Apostolorum Limæ, & S. Antonii Carcarum. Ordinis Minorum Observantium Sancti Francisci in Indiis Occidentalibus ex una, & Patres Criollos nuncupatos professos earundem respective Provinciarum Partibus ex altera de, & super validitate, & respective confirmatione ac executione Decreti prædictæ Alternativæ emanati in Capitulo Generali anni 1664. & per hanc S. Congregationem, & Breve sa. mem. Alexandri VII., ac per subsequens Capitulum Generale anni 1670. confirmati rebusque aliis &c. - Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, Partibus hinc inde in binis causæ propositionibus pluries informantibus, reque mature discussa, referente Eminentissimo Columna, declaravit, atque decrevit, præfatam Alternativam esse confirmandam, prout præsentis Decreti tenore confirmavit; omnes, & singulos juris, & facti defectus si qui intervenerint sanando. Contrariis quibuscumque minime obstantibus &c. Romæ 9. Julii 1683. - G. Cardinalis Carpineus, B. Panciaticus Secretarius.

Dat. 7. Sept. 1683. An. 7.

Speci. s. L. Acti.

Decretum Congregationis pro Provinciis Limanæ, & de las Charcas.

Confirma-
tio relati De-
creti.

Clausula.

CXIX.

Dat. 17. Sept.
1683. An. 7.

Exordium.

§. 1. Cum autem sicut eadem expositio sub-
jungebat, præfatus Petrus Marinus Minister Ge-
neralis Decretum hujusmodi, quo promptius
executioni mandetur, atque ita multis incom-
modis, inquietudinibus, & relaxationibus, qui-
bus duæ Provinciæ prædictæ, occasione diuinæ
ventilationis causæ hujusmodi, quæ multis annis
tam in Capitulis Generalibus Ordinis præfati,
quam in Romana Curia agitata fuit, multipliciter
vexantur, finis tandem imponatur, Aposto-
licæ confirmationis nostræ patrocínio communi-
ri plurimum desideret. Nos ipsius Petri Mari-
ni Ministri Generalis votis hac in re quantum
cum Domino possumus, favorabiliter annuere
volentes, eumque a quibusvis excommunicatio-
nis, suspensionis, & interdicti, aliisque Eccle-
siasticis sententiis, censuris, & pœnis a jure,
vel ab homine quavis occasione, vel causa la-
tis, si quibus quomodolibet innodatus existit
ad effectum præmissorum dumtaxat consequen-
dum harum serie absolventes, & absolutum fore
sententes, supplicationibus ejus nomine nobis
super hoc humiliter porrectis inclinati, Decre-
tum præinsertum auctoritate Apostolica renore
præsentium confirmamus, & approbamus, illique
inviolabilis Apostolicæ firmitatis robor adjicimus,
salva tamen semper in præmissis auctoritate me-
moratæ Congregationis Cardinalium.

§. 2. Decernentes eandem præsentem literas
semper firmas, validas, & efficaces existere, &
fore, suosque plenarios, & integros effectus sor-
tiri, & obtinere, ac illis ad quos spectat, & pro
tempore spectabit, in omnibus, & per omnia
plenissime suffragari, & ab eis respective inviola-
biliter observari. Sicque, in præmissis per quos-
cumque Judices Ordinarios, & Delegatos,
etiam Causarum Palatii Apostolici Auditores ju-
dicari, & definiri debere; ac irritum, & ina-
ne si secus super his a quoquam quavis aucto-
ritate scienter, vel ignoranter contigerit atten-
tari.

§. 3. Non obstantibus Constitutionibus, &
Ordinationibus Apostolicis, ac quatenus opus sit
Provinciarum, & Ordinis præfatorum, etiam ju-
ramento, confirmatione Apostolica, vel quavis
firmitate alia roboratis, statutis, & consuetudi-
nibus, privilegiis quoque, indultis, & literis
Apostolicis in contrarium præmissorum quomo-
dolibet concessis, confirmatis, & innovatis. Qui-
bus omnibus, & singulis illorum tenores, præ-
sentibus pro plene, & sufficienter expressis, ac de
verbo ad verbum insertis habentes, illis alias in
suo robore permanentibus ad præmissorum effectum
hac vice dumtaxat specialiter, & expresse derogamus,
cæterisque contrariis quibuscumque.

Datum Romæ apud Sanctam Mariam Majorem
sub Annulo Piscatoris die VII. Septembris
MDCLXXXIII., Pontificatus nostri Anno Septi-
mo.

Conceduntur Congregationi Suevicæ Ordinis San-
cti Benedicti privilegia omnia spiritualia cetero-
rum Monachorum.

*Similia privilegia concessa fuerunt Monachis Congre-
gationis Bavaricæ ab Inn. XII. Const. 1691.,
Aug. 11. Pont. I.*

INNOCENTIUS PAPA XI.

Ad futuram rei memoriam.

Militantis Ecclesiæ regimini per ineffabilem
Divinæ bonitatis abundantiam, nullo li-
cet meritum nostrorum suffragio, præfidentes,
Religiosorum virorum Altissimi obsequiis sub sua-
vi Monastica vitæ jugo mancipatorum, uberes

que in Ecclesia Dei fructus aspirante superni
favoris auxilio proficere jugiter satagente super-
comodis, & felicibus in via mandatorum Domini
progressibus libenter consulimus, sicut ad Om-
nipotentis Dei gloriam, religionis incrementum,
& animarum salutem in Domino expedire arbi-
tramur.

§. 1. Exponi siquidem Nobis nuper fecerunt
dilecti filii Alphonsus Abbas Monasterii Weingarten-
ensis de præfenti Præfidentis, ac cæteri Abba-
tes, & Monachi Congregationis Suevicæ in Ger-
mania Ordinis Sancti Benedicti, quod cum in
Monasteriis dictæ Congregationis studia continua
literaria, zelus animarum, & labores in vinea
Domini, qui non tantum ad concionandum, &
fidelium confessiones assidue excipiendas, obe-
undaque passim onera Parochialia, sed etiam ad
hæreticos, qui non raro se offerunt, ad fidem
Catholicam convertendos se extendunt, bene-
dicente Domino vigeant, ipsi Exponentes, ut in
hujusmodi piis, & salutaribus operibus ferventio-
res, & alacriores, ad Divini nominis laudem,
& Gloriam, hæresum extirpationem, & S. Ma-
tris Ecclesiæ exaltationem, de cætero persistant,
plurimum cupiunt, pro majori ipsorum Mona-
steriorum splendore, & decore, privilegia Con-
gregationis Cassinensium, alias Sanctæ Justinae de Pa-
dua, & aliarum Congregationum dicti Ordinis
ejusdem Monasterii ex hujus Sanctæ Sedis Apo-
stolicæ indulgentia communicari. Nobis propterea
humiliter supplicari fecerunt, quatenus Mo-
nasteriis præfatis, ac aliis dictæ Congregationis
Suevicæ in futurum aggregandis, illorumque
Præfidentibus, Visitatoribus, Abbatibus, Mo-
nachis, & personis præsentibus, & futuris, ut
omnibus, & singulis privilegiis, & Indultis spi-
ritualibus præfata Congregationis Cassinensium, alias
Sanctæ Justinae de Padua, & aliis Congregationi-
bus ejusdem Ordinis, ac illarum Præfidentibus,
Visitatoribus, Abbatibus, Superioribus, & Mo-
nachis, ac Personis quibuscumque, illarumque
Ecclesiis, & Monasteriis, etiam per viam com-
municationis, vel extensionis, aut alias quomo-
dolibet per quoscumque Romanos Pontifices
prædecessores nostros, ac etiam per nos concessis,
& in futurum concedendis, ac quibus earum-
dem Congregationum, Abbates, Superiores, &
Monachi, necnon Ecclesia, & Monasteria hujus-
modi de jure, usu, & consuetudine, privilegio
aut concessione Apostolica in genere, vel in spe-
cie, ac tam conjunctim, quam divisim, seu alias
quomodolibet utuntur, fruuntur, potiuntur, &
gaudent, ac uti, frui, potiri, & gaudere possunt,
& poterunt, dummodo tamen sint in usu, nec
revocata, aut sub ullis revocationibus compre-
hensa existant, neque Sacris Canonibus, & Con-
cilii Tridentini Decretis, aut Constitutionibus
Apostolicis repugnent, pari modo uti, frui, po-
tiri, & gaudere valeant perpetuo concedere, &
indulgere de benignitate Apostolica dignemur.

§. 2. Nos igitur ipsos Exponentes specialibus
favoribus, & gratis prosequi volentes, & eorum
singulares personas a quibusvis excommunicatio-
nis, suspensionis, & interdicti, aliisque Eccle-
siasticis sententiis, censuris, & pœnis a jure, vel
ab homine quavis occasione, vel causa latis, si
quibus quomodolibet innodatæ existunt ad effe-
ctum præsentium dumtaxat consequendum ha-
rum serie absolventes, & absolutas fore sen-
tentes hujusmodi supplicationibus inclinati de Vene-
rabilium Fratrum nostrorum S. R. E. Cardina-
lium Concilii Tridentini Interpretum, qui dile-
ctum filium Procuratorem generalem dictæ Con-
gregationis Cassinensium audiverunt, consilio, præ-
fata Congregationis Suevicæ, ejusque Præfidenti,
Abbatibus, & Monachis, cæterisque personis
dictæ Congregationis, ut omnibus, & singulis
privilegiis, & gratis spiritualibus tantum, quibus
potiuntur, & gaudent Congregationes Cassinen-
sis,

Causæ Con-
stitutionis.

Preces Præ-
fidentis dictæ
Abbatum.

Concessio
prædictor-
um privilegio-
rum.